

E prome di fase di Parke Solar na Aeropuerto di Aruba ta practicamente cla

ORANJESTAD – E prome di fase di Parke Solar riba e area di stacionamento na Aeropuerto di Aruba ta practicamente cla.

Personanan cu pasa dilanti aeropuerto por tuma nota cu tin avance den realisacion di e parke. E panelnan solar ta poni riba gran parti di e dak cu ta cubri e area di stacionamento parti pariba. E parke solar na final ta bay ta esun mas grandi den Caribe y hustamente na aeropuerto, unda cu miles di turista ta yega. Esaki ta un ehempel di loke Aruba ta haci riba tereno di ta sostenibel. E proyecto ta parti den fase y e prome parti mes- ter keda cla den e siguiente dos lunanan, prome cu por sigui pa e di dos fase, evitan-



do asina menos molester pa clientenan di aeropuerto. N.V. ELMAR a duna inicio oficial di construccion di e proyecto Solar Park na Aeropuerto Internacional Reina Beatrix dialuna dia 22

di april 2013.

Cu e parke solar aki, Aruba a dal su prome paso grandi pa un futuro sostenibel, unda lo traha riba estacionamento na di auto existente. E parke solar aki lo ta esun di mas

grandi den Caribe, cu ta traha ariba un estacionamento di auto. E parke lo fungi pa crea conscientisacion riba ta sostenibel entre e nos hendenan local como tambe nos turistanan, ya e parke solar aki ta e prome cos cu nan lo mira na momento cu yega Aruba. N.V. ELMAR ta trahando hopi duro pa realiza tur su metanan, specialmente pa alivia e situacion di crisis di zeta, cu ta pone cu nos tin cu paga hopi mas na energia. E coriente cu e parke lo produci ta bay riba e grid di N.V. ELMAR y asina e ta bay na tur cas na Aruba. Lo tin 14 mil panel solar y cada un ta mas o menos 250 watt, cu ta un capacidad di mas o menos 3 mil cas. □